

東越文苑

東越文苑卷之六

明侯官陳鳴鶴汝翔輯譯

趙世顯仁甫訂正

邑後學郭柏蔚增訂

明東越文苑列傳第六

張以甯字志道古田人本元泰定進士

蔚按泰定四年進士

爲翰

林學士者也以甯在襁褓中卽嗜讀書甫六歲日記千言八歲人有巧詆其世父者以甯不勝忿詣吏辯數語斷斷有序吏異之命賦琴堂詩立就以此免其世父我

太祖卽位之二年徵至京師拜翰林侍讀學士以甯爲  
上使使安南旣至會安南王卒國人請遂授印於世子  
以甯不許乃遣介使與其國人馳奏天子天子自裁之  
以見爲人臣不敢擅權於境外先是安南俗不知禮  
義謁尊貴跪膝三拜以甯因說世子用中國禮行三年  
喪令其國人稽首頓首毋敢簡易於是上聞之大說賜  
以甯聖書及詩十章未幾以甯卒交州上使使者迎其  
喪歸葬古田以甯詩文有翠屏集蔚按晉安風雅  
翠屏集二十卷淮南  
集南歸紀行安南紀行二集宋濂稱其所著豐腴雄峭

清圓委蛇爲一代之奇作劉三吾亦以爲國朝之完音  
焉

林元凱一名唐臣一名弼龍溪人也元至正中舉進士  
仕爲郡幕我太祖卽位聘元凱與修元史擢考功主事  
使於安南還拜豐城令十年復使帝酌以卮酒遣之元  
凱因獻詩曰曙色熹微漏箭催暖風開扇舜瞳迴雲扶  
紫鳳臺端下山擁蒼龍殿角來玉筍聯班隨曉仗金莖  
分液賜春杯小臣再忝馳驅使擬和皇華媿不才元凱  
至安南安南王以元凱欵實奉黃金珍珠爲壽元凱固

謝王王固進強致之元凱歸具上其金珠帝嘉其節拜

元凱吏部尙書郎出守登州有林登州詩集

蔚按登州著有梅雪

齋文集使南集詩經解義宋儒會解行於世詩集共二十三卷

林鴻字子羽福清人少任俠不羈讀書能強記高皇帝

時部使者以人才薦鴻授將樂訓導居七年擢拜膳部

員外郎高皇帝臨軒試龍池春曉孤鴈二詩一日名震

京師是時鴻年未四十也高皇帝治尙操切而鴻性脫

落不善仕又以爲散秩無自表見遂自免歸歸益閉門

謝客肆力爲詩顧獨數游三山三山周立黃立皆師事

之學爲詩也世稱二立云浦舍人源者晉陵人故與鴻  
同時仕而以詩來謁鴻鴻不見使二立問所爲來源出  
所懷詩投之曰以此相評耳二立讀之至雲邊路遶巴  
山色樹裏河流漢水聲驚嘆曰吾家詩也白鴻出見之  
賞愛篤甚因避所居舍源日與爲詩由是浦舍人之名  
以起其後閩人言詩者皆本鴻鴻與唐泰高廷禮王恭  
王褒王偁陳亮鄭定及二立號稱十子而林敏陳仲完  
蔚按長樂人以字行洪武十八年進士官至右春坊贊善有藺齋迂稿鄭闕蔚按關字公  
石室山人著林伯璟蔚按林伯璟字懷之閩縣人洪武  
有石室遺音鄉貢爲郡學訓導著有友漁集

張友謙趙迪皆林鴻之弟子也

蔚按龍性堂詩話云吾郡林子羽鄭繼之咸工

七律子羽刻意三唐已造堂奧繼之髣髴工部幾奪神骨同時高袁李何亦爲却步所不能與爭名者以樂府古體也今人議吾鄉詩多木子羽聲調平穩目爲閩派大抵緣晉安風雅一刻故耳晉安風雅由當時王李之派盛行選者不能另出手眼特取聲調整齊者以悅里耳非作者之咎也

唐泰字亨仲閩縣人洪武二十七年進士爲陝西按察

司副使

蔚按唐泰侯官人著有善鳴集十卷

高棟字彥恢仕名廷禮長樂人本宋提刑張翀之後也  
曾祖麟出繼高氏因襲其姓棟爲人醇厚事親以孝聞  
博學能詩又善書畫客從棟求畫棟輒自戲令我作無

聲詩耶蓋世稱棟有三絕也棟嘗總唐人詩揚扈其品  
有正始有正宗有大家有羽翼有接武有正變有餘響  
有傍流凡九十卷號曰唐詩品彙又有拾遺十卷正聲  
二十卷然其宗旨則歸於開元天寶之間唐稱詩三百  
年其大較如此矣文皇帝時棟以布衣召入翰林爲待  
詔遷典籍卒所著有嘯臺集木天清氣集

蔣按晉安風雅高廷禮集

共二  
十卷

王恭字安中閩縣人也環閩皆山而恭家故貧則爲樵  
往來羣山中自稱曰皆山樵者恭善爲詩援筆而千言

東越文苑

卷六

四

三百七十八字



立就文皇帝四年有司以儒士薦恭強起至京師年六十餘老矣與修永樂大典是時友人王偁爲翰林院檢討戲謂恭曰君無以會稽章綬故來耶恭從容笑謝曰吾山中斧柯幸無恙君毋深謂我爲矣居三年大典成試詩高第授翰林典籍投牒歸著詩數十卷曰白雲樵唱其在金陵曰鳳臺清嘯其歸田曰草澤狂歌

詩按王恭諸集

共三十餘卷

廬陵解縉稱其布衣蕭然不慕寵榮強之而起

朝陽鳳鳴此足以槩恭

王褒字中美閩縣人

蔚按晉安風雅作侯官人

洪武中以國子生舉

應天鄉試文皇帝初卽位褒以與脩高廟實錄擢翰林院修撰爲大典總裁當是之時海內無事上雅好詞翰常令從臣賦詩第其高下而褒恒高等賜以寶鈔久之改褒漢府紀善卒所著有養靜齋詩集

蔚按養靜齋詩集十卷

王偁字孟敷永福人父翰本靈武人也喜爲詩尤工於書元末爲閩省郎中遷潮州總管及元亡遂服黃冠屏居永福山中爲永福人我太祖聞其賢詔有司強起之翰因自殺偁少從父友吳海學

蔚按徐與公題聞過齋文集云吾鄉先輩吳先

生朝宗爲人尙行檢重氣節洪武初隱居不仕與永福王翰友善翰爲勝國死先生經紀其家撫遺孤偁教之

學士解縉稱其人品當在蘇長公之列文亦相類至於詩則凌轢漢唐使眉山見之未必不避寵而煬也偁舉洪武二十三年鄉試爲太學生乞歸養母及母卒柴骨爨樂旣葬廬墓下者六年永樂初以薦授翰林院檢討爲大典總裁官後坐事謫交州又坐與解縉善逮詔獄庾死偁之爲人骯髒自許視諸子瑣瑣者不啻卧之地下以是名雖日彰而謗亦隨之所著有虛舟集

陳亮字景明長樂人故元儒生明興二祖皇帝累詔郡縣徵遺逸或推轂亮亮辭不起作讀陳搏傳詩以見志

亮爲詩冲淡悠然軼不盡傳

蔚按通志陳亮元末諸生洪武中徵遺逸或推轂之

亮不起築小樓山中購四方名書藏之日與高廷禮王恭周立輩載酒泛舟登山選勝意豁如也著有滄洲集

鄭定者閩縣人也字孟宣善擊劔工古篆行書陳友定辟爲記室友定敗鄭定浮海亡在交廣閒久之稍還遂居長樂高皇帝末年徵授延平訓導歷國子助教有澹齋集

周立字微之閩縣人

蔚按集作侯官人

永樂中以文學徵拜祠

部尙書郎其爲詩瓌奇託興悠遠而怪者如長吉率

蔚按

周立著宜秋集八卷爲徐興公所編又按紅雨樓題跋徵之與龍門高廷禮善令蒼頭肩書數千卷止廷禮家

讀之無何別去盡棄其書曰已在  
吾胸中矣又按率字下疑有闕字

七百四十三字

黃立字立之侯官人也其初本將樂人林子羽爲將樂  
教官時黃立爲弟子子羽雅重黃立嘗爲詩稱之曰青  
衿二十徒達者惟黃立而黃立蓋嚴事子羽及子羽棄  
官歸黃立挈妻子入福州終身師事之已而以歲貢入  
成均老矣授泉州訓導卒詩蔚按黃立著有鳴秋集  
又按詩字下疑有闕字

論曰自元歷而下爲詩者尤趨棘猴丸劍哉救其弊  
者則土簋康瓠宋人以詩紀事而詩亡元變而嫺婉  
若婦人好女雖差勝之而詩未嘗不亡至林鴻輩十

子崛起草昧與詞林更始復之乎大雅卽初唐四家  
何以加焉袁黎平集十子詩稍以其意去取之余讀  
其全集有足多者焉聖盡去而微傷鼻矣

鄧定字子靜閩縣人高皇帝以遺逸徵之不起遂削迹  
於竹溪之上自題其堂曰耕隱有耕隱集數卷當此之

時邑人按察副使陳輝字伯焯有存庵集

蔚按陳輝永樂十三年進

士著有琴邊清唱

趙迪字景哲有鳴秋集

蔚按趙迪洪武中布衣

鄭迪字

公啓有石室集

蔚按鄭迪洪武中布衣

長樂林敏字漢孟有青蘿

集

蔚按林敏永樂中布衣

定之詩蕭散輝之詩宏深趙迪之詩渾

厚鄭迪之詩豪逸敏之詩清和而閒曠此數子者皆與  
十子相倡和稱爲敵國而名不出於州里

鄭居貞者其先新安人也父潛官閩中遂家於侯官而  
生居貞居貞能爲詩洪武中舉明經歷官河南試叅政  
旣去吏民懷之居貞雅與方孝孺友善孝孺之爲漢中  
教授也居貞贈以詩曰翩翩紫鳳鷁羽翮備五彩徘徊  
千似翔餘音散江海於焉覽德輝濟濟鏘環佩天門何  
嵯峩羣山久相待晨沐晞朝陽夜息飲沆瀣如何復西  
飛去去秦關外岐山諒匪遙啄食良自愛終當巢阿閣

庶以鳴昭代永樂初孝孺得罪居貞以贈詩故坐孝孺黨論死居貞所著有閩南集關隴行藁歸來稿隨稿檜廷稿

楊榮字勉仁建安人初名子榮登洪武庚辰進士拜翰林院編修太宗皇帝卽位更其名榮用爲文淵閣大學士榮事太宗至英宗皆爲大學士歷尙書太傅與楊溥楊士奇皆以大學士輔政功名著於當世相業偉焉當世稱之曰三楊正統初榮卒諡文敏有文敏公文集藍仁字靜之弟智字明之崇安人也當元之季皆學詩



於杜本洪武十一年智用明經拜廣西僉事以廉愛稱有詩集曰藍湖仁以字行爲武夷山長有藍山集

林興祖侯官人洪武初從父之官潮州遂家於海陽以才行舉爲工部尙書郎廣西叅議有棠陰清趣集

吳源字性傳莆田人洪武初由明經授興化府學教授其弟子林廷綱旣以能詩事高皇帝爲給事中乃言師吳源於是天子乃召源拜爲四輔官未之奇也旣踰月源卽請歸老明年天子思之以爲賢復召以爲國子監司業卒於官有文集二十卷莆陽名公事述三卷

林士敏本名懋以字行莆田人也

蔚按莆田縣志林士敏初名世懋

父

善同工於詞賦元末以鄉薦署泉山書院長士敏少受父業當高皇帝時由鄉貢入太學爲刑部尙書郎好極言忤上旨謫南丹州吏丞樂初起知南康淮安二府士敏潔行廉介衣裘悉取於家士民頌之所著有芹邊集匡廬小稿

方槐生字時舉初名樸莆田人樸通春秋詩書三經善講說爲文辭元季以學官辟槐生不就與邑人能文者爲壺山文會洪武初郡舉槐生爲興化府學訓導槐生

修莆陽人物志起唐貞元終於元末書未成而被誣以  
死今存者惟名臣一類

郭完字維貞莆田人篤行君子也當元至正之際隱於  
壺山與方槐生爲文會會者二十有二人皆以氣節相  
高而完爲詩效許渾薛能絕類之完貧無子所著詩軼  
不傳惟聞出於壺山文會集中

林廷綱莆田人不知其何起當洪武初爲吏科給事中  
以詩事上上愛幸廷綱廷綱侍上游江閒殿上倡詩詔  
廷綱足之上曰江閒小殿與雲齊梁上新添燕子泥廷

綱曰雉扇曉開紅日近龍衣春濕海雲低旌旗影裏  
猶息斧鉞門前騏驎嘶簪筆詩成同拜舞太平天子賜  
新題又承制作春江漁父圖親題於殿壁曰浩蕩乾坤  
一釣徒絲綸終日倚菰蒲桃花浪暖魚堪膾桑柘春深  
酒可酤歲月不知蓬鬢改江湖真與世情疎熊羆自入  
君王兆四海于今誦帝謨上覽之大說賜名恆忠蔚按  
廷綱

原名紀明太祖朝盡言直諫賜名恆忠後以事忤旨賜  
盡上尋悟已無及矣命葬太平門外立石旌之著有林  
舍人

詩集

伍衡字時敏莆田人學博氣滄其爲文平實穩順時出

新意七言歌行麗縵奇崛有溫李之調近體贍麗不爲  
雕畫高皇帝時人或言衡起家爲增城知縣

蔚按莆田縣志伍衡

所著詩文多散佚無全稿

黃麟字伯厚莆田人洪武中以文學召入見天子授翰林院應奉會天子有事於園丘御書門帖曰大明日光天德洪武山河壯帝居麟熟視良久以足踢下之上大怒將加重刑麟頓首奏曰主臣死罪有之顧日月光天德山河壯帝居陳後主句也以聖朝用之豈可以令眾庶見乎上色解因詔麟易之麟應聲曰乾坤一統歸

洪武日月雙輪照大明上曰善遂不過麟他日麟入朝  
而髮亂冠敝上以爲大不敬屬吏械繫麟麟仰而歌曰  
髮亂冠不正頭中蟻虱多若能皆剝盡願唱太平歌上  
知麟語之以微言也笑而宥之因命作京城曉望詩麟  
卽奏曰清晨獨上鳳皇臺極目乾坤氣壯哉萬里江流  
連海濶五湖樓閣倚天開金門鐘響千官擁玉筍班分  
萬馬回聖主無爲崇治化衣冠濟濟總英才上大說賜  
帽帶紵絲麟辭謝不敢當賜但乞歸山詔許之麟自是  
遂不復出

陳亦言字汝納本古田人父瓊至正閒爲晉江監場官因家焉亦言嗜學而長於詩賦不樂仕宦所與爲詩者皆名士大夫蕭子玉趙應嘉輩十餘人也亦言年八十卒有潛畝集其後宣德閒有陳璫亦由福州來居性孝友以善詩詞累薦不起稱徵士云

劉嵩字子中晉江人元末耻爲胡臣遂隱身酒人酒酣歌詩輒數千言里中人皆謂之謫仙嵩卽自謂我謫仙也飲益豪家貧無以爲衣食業人或遺之卽送酒家趣醉我不問其多寡或有奇羨則以周人之乏洪武初以

賢良方正薦授廣西州判卒於官有中齋集

沈得衛連城人陳友定爲福建叅政致得衛於賓幕欲  
官之得衛去而隱於蓮峰與邑人伍清源爲詩酒交我

太祖旣殺友定定天下辟得衛清源皆爲儒學訓導得

衛有東崖樵唱集蔚按連城縣志沈得衛字輔之端恪  
醇儒隱居蓮峯山中日與朋侶登臨

嘯咏洪武初郡邑聞其賢辟  
爲本學訓導著東崖樵唱集清源以洪武十三年應明

經舉蔚按連城縣志伍清源字石泉善詩文洪武初本  
府辟充儒學訓導後郡守楊大德以清源應明經

舉授寶鈔提舉司副使以疾告還自號秋圃

居家黜浮屠子孫至今守之卒年八十七

古平公林枝者鳴鶴母家之遠祖閩縣人父曰海仕元



爲莆陽學正及明興累辟不起遂以舊官戍鳳翔以死  
公旣痛父死因絕意游宦屏居於古平庄出其父書讀  
之稱曰古平先生古平庄者方山之麓去城市遠不爲  
人所知獨邑人陳輝永福王偁長樂王恭輩數人一歲  
率再三過過益具蔬肴極談浹辰乃去此數人或稱先  
生才先生急掩其口曰毋禍我我乃乞骸骨於諸公口  
中以故先生無名稱後世無知者鳴鶴少時嘗於陳輝  
家讀先生寶月樓賦而善之乃之舅氏檢其故笥得諸  
公札書數囊而王偁者什七有偁與解縉易名書者亦

數帖僂述先生之爲人如此而先生無著書有詩數篇  
不類其賦或曰非先生詩先生詩類鄭定

林紹字涪裕長樂人工五七言長律王恭薦之於朝徵  
不起有林泉清響集是時郡人陳仲完有簡齋集按察

使洪順有鷄肋集馬鐸李

騏字彥良永樂十年廷試第一

陳申皆以

文名鐸與騏皆狀元及第

蔚按釋史彙編狀元馬鐸少時夢中有語之者曰兩打無

聲鼓子花不省所謂後與同邑林誌同舉進上誌高才鄉會皆第一殿試時忽夢馬踏其首以是怏怏爭于上前上曰朕有一對對佳者狀元也曰風吹不響鈴兒草馬卽對以夢語而誌思竭不能於是得賜狀元申

知潮州府潮州人稱之曰文章太守

羅泰字宗讓閩縣人性至孝母喪不能葬語及未嘗不泣下也蓋旣葬而後飲酒食肉泰學閩博善爲文章洪永閒以明經取士泰卽兼治易春秋閩之言易春秋者皆宗泰泰獨不肯與諸生試隱居教授弟子登進士者二人鄉貢者十餘人宣德壬子南京兆尹聞泰名聘爲考試官泰辭不往曰吾志善一鄉足矣彼都人士也安敢與知泰所著有寶林集行於世蔚按通志羅泰著有寶林集行於世又按晉安風雅羅泰著有覺非先生集建安楊榮志其墓曰好古力行君子也

林誌字尙默閩縣人父興嘗夢梁僧寶誌入室而生誌因以名焉誌幼穎悟其母曰授經傳卽朗然成誦在髫鬣時已喜爲文辭年十四從王偁學日記萬言晝夜寒暑不少懈父母憫之閉其膏油誌輒暗誦舊習亦至達旦由是博通經史百家子集無不研究然頗好詰難見鋒鏗以折人短長偁因字之曰尙默誌卽佩服終身不妄笑語永樂辛卯舉於鄉壬辰禮部試皆第一殿試賜進士第二累官右春坊右諭德誌性醇厚恬於勢利每公退輒閉一室歌咏竟日與世若不相涉所著有葑齋

集

鄭閻字公望閻縣人博學善屬文永樂初貢入太學因以應天府鄉薦登永樂十年進士

蔚按鄭閻永樂十年會試第三人觀

政刑部會當奏讞疑獄大司寇集其屬議庭中閻傅古義欲與輕比大司寇欲重之閻爭不能得遂投劾乞授教職乃補教諭積三十年稍遷廣信府教授廣信太守素侵牟食民者也閻因舉鄉飲禮揚譴斥之遂不與欸閻爲人剛直好面折不能容人之過以故久宦不達謁歸鄉里居蝸舍與寒士等故人洪英以御史大夫歸役

十餘人舉裝閭薄之遂避不肯見英英自往索得之君  
何無故人之情也閻曰吾聞君資厚耳於是英立邀閻  
至其家示以橐中裝皆方書往牒及諸公奏議閻乃色  
喜把臂如初閻有抑齋集

嚴烜字熙叔懷安人永樂中以楷書預纂修授八品秩  
烜耻以書顯辭乞歸養久之舉進士拜監察御史遷浙

江僉事烜宦三十餘年屋不增一椽所著有師韋齋集

林文秩者懷安人

蔚按萬曆府志文秩  
字禮亨江西中式

文秩十歲能文

其舍傍有彌陀寺郡太守嘗游至彌陀寺太守與寺僧

語問里中賢士寺僧曰里中有林文秩年十歲人皆謂之奇童善奕也太守固善奕乃使人召文秩文秩至則長揖與太守抗禮無所屈奕又連勝之太守曰善哉奕文秩曰僕之爲文亦若是耳太守因使爲彌陀寺賦頌刻作數百語其詞典麗太守讀之驚以爲神卒與爲賓主文秩年十三舉於鄉永樂中與同產弟文結蔚按文結字嘉同舉進士同爲庶吉士文秩拜監察御史擢山西按察使有賢聲文結通判岳州府其爲政務於撫字所著

鄭珞字希玉閩縣人以春秋舉永樂乙未進士授庶吉士改刑部主事從征北虜至氊帽山應制賦詩稱旨賜黃龍綵緞宣宗時轉甯波太守卒于官郡人祠之名宦有訥庵集四卷

雷境字彥達建安人境幼孤事母至孝好誦讀以爲務家貧至無以自資不顧也永樂初部使者以境孝聞於上徵至京固辭歸遂絕迹城市教授弟子舉進士者以十數而連智爲翰林院修撰最有名境所著有閒居叢藁



蘇鉦字良聲建安人性孝友喜吟咏又工於書畫雖居城市而杜門不與物役有竹坡吟稿二十卷同此時建陽蔣易有鶴田集松溪楊誠有冀鐵稿甌甯杜琮有適興錦江二集而琮爲山東叅議有能名

潘賜字文錫浦城人永樂初登進士以行人獻德化書

及大典頌太宗善之命入史館賜一爲行人再爲鴻臚

少卿皆使日本稱旨所著有容庵集蔚按賜著有梅竹篇皇華勝覽是

時郡人黃仲芳蔚按字時茂甌甯人永樂乙未進士以雲南叅政有澹庵

旬宣二集鄭賜以禮部尙書有聞一齋集適興集蔚按賜字

彥嘉建安人  
洪武乙丑進士

雷填以給事中有原中類稿蔚按填字原  
中建安進士

王源龍溪人永樂中進士爲潮州府知府源博學能文

年八十餘尙誦習不輟所著有韋庵集有家禮有易覽

陳旺龍溪人豪縱不羈而強記博通善屬文以永樂甲

午舉人爲常州府教授卒其弟子顧言刻陳博士文集

傳於世

蔚按龍溪縣志作陳睢字子晦永樂甲午鄉薦  
授建昌訓導遷南國子監學正有文集五卷

花潤生字蘊玉邵武人登永樂甲申進士爲浙江督學

使者潤生性剛方詩文雄健名之曰介軒集

上官祐者字用孚邵武人也永樂丁酉歲鄉舉祐爲春

東越文苑

卷六

七

四百一十三字

秋經第一拜江西弋陽令祐所著有武陽志鶴林集

林環字崇璧莆田人永樂丙戌舉進士第一有綱齋集

十卷

蔚按林環舉進士第一授翰林修撰陞侍講總裁大典朱竹垞云侍講未第之先縱酒自放雖在玉

堂詩無  
臺閣氣

黃壽生字行中莆田人唐黃滔之雲孫也壽生通百家之書而精於詩經是時莆中無能治詩者惟壽生能治士皆受之由是莆中乃始言詩壽生爲太學生以善治詩永樂中試應天府第一登辛卯進士拜翰林院檢討爲古文辭有東里文集

黃約仲本名守以字行莆田人也其初起文皇帝時以善楷書見召而大臣有薦其善詩者帝試約仲上林鶯曉詩及天馬歌善之乃以約仲爲翰林院檢討有靜齋集四卷

楊慈字則惠莆田人慈爲文豐瞻典則直追古作者永樂戊子鄉試第一舉辛卯進士改庶吉士慈謂儒者窮

則明道得時則庇世科第文章徒末節耳故於文章未

嘗留意也然有文集五卷年三十卒

蔚按莆風清籟集楊慈字惠叔號石

崖永樂戊子鄉試第一辛卯會試第二廷試二甲第一選庶吉士又按鄭山齋云惠叔少孤性穎悟不甚讀書

東越文苑

卷之六

六

四百零六字

爲文閒有論辯出人意表凡有賦作操筆立就蓋天才絕高非人力所能至也卒年未三十人咸惜之

陳中字舜用莆田人永樂辛丑舉會試第一中之文務在典贍宣德初自南京戶部主事召修太宗仁宗實錄有文集行於世

朱鐸字允學晉江人七歲能對偶十歲能詩語皆超絕弱冠登永樂丙戌進士授戶部主事鐸性簡亢寡合退而家居以經史自娛請文者踵接於戶有文集十卷

陳道曾字端誠晉江人道曾爲人朴茂制行卓然通諸經子史而邃於易工爲文辭也永樂戊戌以善治易登

進士改庶吉士不拜願授弟子爲學官上乃以道曾爲  
吳縣教授再轉無爲州學正所著有吳下筠陽濡須等  
集

林文字恒簡環之族父也宣德閒以進士第三人拜翰

林院編修有澹軒文集

蔚按林文宣德庚戌賜進士第  
三官太常寺少卿兼翰林侍讀

學士贈禮部右  
侍郎謚襄敏

詹滌字子源浦城人正統閒爲潮州府教授有竹軒集  
龔道字士行甯德人年弱冠從父之金陵金陵諸公謂  
道秀才有雋聲焉遂以鄉薦爲太學弟子而謁詩者填

委於戶及歸閩當道大臣無不延置門下大司馬林瀚  
比道於賈誼李賀也道有詩曰碧山集

陳豐漳浦人正統初以進士累官廣東左布政使有梅

庵存稿

蔚按陳豐字尙勉著有梅庵存稿及經籍要覽若干卷

柯潛字孟時莆田人潛十歲喜賦詩十五爲舉子業景

泰二年以會試中式對策大廷潛爲第一憲宗時潛爲

少詹事兼翰林院學士

朱竹垞云翰林院堂後有井劉文安所鑿也亭二欄凡八楹柯

學士所築也并在左亭居右至今入翰苑者以私艱  
柯亭劉井爲佳話而堂後柏二株亦學士所植以私艱

歸服除起家爲祭酒辭不拜尋卒潛爲文平妥整潔詩

尤清婉有竹巖集

彭韶字鳳儀莆田人登天順元年進士爲刑部尙書郎  
是時上以倖臣張岐爲僉都御史韶上疏爭之上怒逮  
韶韶獄久乃赦出韶復爲郎會外戚周或請真定民田  
數百頃上詔賜之使韶視田韶至真定還報曰昔田文  
令馮驩收責於薛驩顧拆券矯賜薛人今真定田祖宗  
以與民爲恒產不復增科往年韓太監廣甯侯請之賴  
先皇帝明聖民得安業今周或又復強詞飾奏傷民病  
國臣誠不忍履畝奪民衣食尺寸地附益貴戚也上大



怒又逮下詔獄久又赦出詔復爲郎如故弘治閒累遷刑部尙書韶性直諒數切諫不避權貴終不以詔獄故以阿人主取容爲尙書二年致仕卒所著有國朝名臣

錄贊莆陽文獻志政集凡百餘卷

蔚按彭韶遷刑部尙書贈太子少保諡惠

安有從吾滯稿

其後純皇帝時邑人有林俊工古文辭名爲文

士亦起刑部郎以上書請斬倖僧繼曠及宦者梁芳亦下獄謫姚州判官孝宗初卽位擢爲雲南按察副使累遷刑部尙書

蔚按林俊加太子少保贈少保諡貞肅

功名與韶等有林見

素文集

許天錫字啓衷閩縣人弘治癸丑進士歷官工科都給事中時逆瑾用事誣其奉使安南受夷金且索之天錫上其事并劾瑾不法狀疏留中遂自經死於工科之直

廬冀以尸諫焉

蔚按武廟實錄云正德三年六月己巳命錦衣衛查點六科給事中奏天錫不

至詢其故則初一日己縊死矣逆瑾方羅織文臣故天錫懼禍而死天錫所爲文雅正善

持論詩流麗渾成閒得杜意有青山當面疑無路黃犢出林知有村之句爲時稱賞不減趙倚樓云

陳焯字文厚閩縣人也少豪邁不羈慨然有遺世之志弘治辛卯以治春秋薦於鄉旣就公車觀長安紛詭益

厭惡之遂不入試而歸去其家自隱於岱峯之巔結竹樓以居久之故人稍稍求所在焯於是復深八十餘里居於桐山嘯詠爲詩詞氣曠逸每歲惟中秋一出泛月於淘江卽過其家不信宿留也焯故善書有舞劍濡帚之勢貴人諸公旣不得見求書獨村垠携壺榼邀之泉石間俟其飲拍浮愜時進筆札其前焯輒揮灑數紙或更求之卽掉頭去矣著詩二卷軼不傳惟從山垠家得數首有叩竹聲寒天地秋拂鬚目送滄江晚之句

蔚按晉安

風雅陳焯叔紹子成化七年鄉貢隱居不仕有桐山集

鄭善夫字繼之閩縣人善夫髫髻隸學官則已厭薄經  
生言學爲古文辭有聲矣弱冠舉弘治乙丑進士而信  
陽何景明時直中書得善夫甚驩益相切劘爲千秋業  
一時名士咸折節而交善夫靡閒也毅皇帝末年諸曹  
郎黃鞏等以諫止南巡語侵嬖人江彬彬大恨矯旨杖  
闕下有死者善夫乃率舒芬張衍慶復上疏切諫彬愈  
益怒罰跪午門已杖三十幸不死善夫猶草疏數千餘  
言納懷中謂三衢方豪曰死則上之無何以駕發善夫  
哭曰已矣無所容吾言矣彼地下者其以余牖下非夫

哉遂乞歸居郡之南湖嘉靖改元用薦起南京吏部郎  
行至建甯游於武夷爲寒所中抵家而卒年三十九卒  
之日紫氣勃勃不散先是善夫衣褐走雪中游天台人  
以爲神仙天台守顧璘聞之曰此必吾繼之也就之良  
是善夫因謂璘曰明年海上紫雲東來是吾觀化至矣  
至是天台人以善夫果神仙不謬善夫爲文章渾雄蒼  
老而本之六經其詩以氣格爲主而多悲壯之音國朝  
作者世蓋推徐何李鄭云善夫每言經生局迹蟬緩其  
衣多文辭而鮮實效何益於殿最故其居恒取國家掌

故講其廢置所由及利害甚哲又談性命之學而力行之所著鄭詩鄭文行於世而子通及經世要談軼不傳傳汝舟者字木虛侯官人高澱者字宗呂閩縣人也皆博學工詩文而汝舟長於書澱長於畫鄭善夫嘗數從兩人游爲莫逆交才嘗勝之而學微不及也御史李元陽以直指使者按閩已聞此兩人賢使使奉束帛迎傳高二山人二山人衣褐至見御史止戟門不肯前御史故倨堂微察兩人兩人卽却退請絕御史使人問故答曰公以符召我我當坐行伏堂下受令以束帛招我我

不敢處於無禮以恩公高誼御史於是遽屣屣迎門延  
入坐既定問以皇王墳素諸子百家之業二氏九流之  
事無不劇說如雲揚摧其趣御史大駭自以爲不如遠  
甚卒以兩人爲上客其後郡太守汪文盛及諸當道有  
名者無不與此兩人抗禮投分厚遇之此兩人卒亦未  
嘗少貶損取其一錢也無何灑卒汝舟乃逃於二氏獨  
游桂林象郡之閒庶幾遇之閒爲二氏弟子講說經義  
以自給諸公故人欲有所獻遣以爲汝舟壽汝舟終辭  
謝不肯受凡游二十餘年乃歸卒於家

蔚按名山藏高道記傳汝舟一

名舟字木虛目號丁戊山人一號磊老岡縣人方穎  
目小指有四印交年十四則誦黃帝姚姁二十御秀才  
學通天官堪輿治槃老聃屬盤雅秦漢等語而肆命之  
其古色蒼黝瓊奇處至不可解與高潑齊名閩人諺曰  
高垂腹傳晚栗言斷斷中歌曲中歲好神仙方外學增  
損姓名曰傳汝舟乃與吳航人劉一企治竹篋食擔葫瓢經  
能從之汝舟乃與吳航人劉一企治竹篋食擔葫瓢經  
武夷臨歸宗巖築士寵煇食留十日遇異人衣冠如聖  
儒不知其何許人也兩人視其膚革有雲氣口數三典  
如數一二謀術施咸中文章教之日仙術無旁但  
緣倫常兩人拜受其人忽竦身不見繼汝舟之後者惠  
安人有黃克晦永春人有顏廷架莆人余翔廷架仕岷  
府長史翔仕全椒汝舟所著有棄存稿行已外篇粵吟  
知縣皆善爲詩汝舟所著有棄存稿行已外篇粵吟  
稿蔚按通志傳汝舟著有澱詩不傳蔚按高潑著石門  
吟吟嚙棄存越吟諸稿集六卷鈔本甚甚  
道光戊戌青郎合亭二弟錄付劄劄增以閩書章布志  
名山藏高道記並上雋汪宗伊所撰墓誌銘及宗出自



傳哀成一書汝翔以澱詩爲不傳始未見鈔本耳又按澱侯官人

林春澤字德敷侯官人年百有四歲閩所稱人瑞翁者也春澤舉正德甲戌進士與鄭善夫相與驩甚爲詩頗相類顧春澤性好含光以定其靈不求知於世世亦無知之者子應亮爲少司徒孫如楚爲督學使者皆予告

卜居郡城而春澤居旗山不肯就養郡城物役紛詭毋

愬乃公也春澤仕至程番太守有聲卒鄉人以百歲翁

賢者祀之郡庠所著有人瑞詩集是時閩縣郭波

弱按萬曆

府志郭波字澄卿正德十年進士官戶部主事

林鈇

弱按林鈇字克相正德十六年進士官御史

亦工詩與春澤伯仲名亦不顯

黃鞏字伯固莆田人當正德十四年武皇帝下詔南巡大臣多諫爭不聽是時鞏爲兵部郎中謂諸公曰上之巡游本起於江彬彬方貴幸擅兵無敢斥言彬者吾不可舍彬爲支語矣乃上言六事其五極言江彬兇狠傲誕無人臣禮請誅之疏上彬大恨必欲殺鞏遂下鞏於理械繫之五日三訊杖之百死而更甦旣赦歸杜門著述卽病委頓猶不去卷其詩文清粹和婉有黃伯固集柯維騏字奇純莆田人舉嘉靖癸未進士授南京戶部

主事不就歸而居於山中下帷講誦從游者四百餘人  
維騏以宋史繁猥讀者病之於是乃會宋遼元三史刪  
定焉號曰宋史新編世多傳之而正史幾廢又著續莆  
陽文獻及史記考要維騏爲人孝謹方介非大典禮未  
嘗窺左足於公府直指使者累言上維騏宜徵其人才

可柄用也不報

蔚按名山藏本土記柯維騏字奇純莆山人嘉靖二年進士授南京戶部主事

未領牒引疾歸張孚敬修怨爭論大禮諸臣奏開新例  
凡京朝官請急過三年者悉罷免維騏本孚敬同年以  
素不相聞問概在免中而維騏本非其好也鍵關讀書  
閉門授徒弟子翕然趨之其學以誠意爲根躬行爲基  
粹然出於正義謂宋故正統元人修史概與遼金同列  
混華夷冠履之辨作宋史新編提宋爲綱而遼金附焉

瀛國二王掣而臚諸帝紀之後宋諸臣若鄺瓊劉整留  
夢炎之徒悉目之爲叛而誅之復作史記考要十本以  
是正班氏之譏評漢書之增損少孫之補綴諸儒之紀  
載撰次莆陽文獻記其鄉之人物文章以比於益部者  
舊傳家食五十餘年七十餘卒張時徹曰柯公奇純  
其臻眾美間然寔修符曾史之淑性苞商偃之華文總  
五經之要妙響百氏之異同敦悅道訓力  
行仁義非人不交非地不履鞠躬君子也

林世璧字天瑞閩縣人曾祖瀚大司馬祖庭栢大司空  
父炫通政司叅議炫才通敏詩文以富麗爲工世璧丰  
儀俊邁有不羈之才始爲舉子業弗遇去爲詩然不肯  
屈首苦吟每飲酣則令兩童子捧紙縱筆揮數百言倦  
則復飲飲輒兼日夕故世璧詩皆賦於酒所若不經意

然而淫思推敲者不逮也世璧性至孝居常咄咄負不平視王公貴人鞠子畜之惟母夫人出一小奚奴傳教卽霑醉不知人莫不踟躕趨命不敢出一語久之俟裝

游至三衢卒於逆旅黎平太守袁表收其詩選之得六

卷號曰彤雲集

蔚按林世璧嘉靖中庠生登鼓山男削峯詩有眼中滄海小衣上白雲多之句

爲時所傳誦

陳言字于庭莆田布衣也其爲詩硜硜高致肖其人又善集古愈於王荆公文信國言卒南都詩佚不傳獨集

古二卷傳世

蔚按莆風清韻集陳言號默默子又號豐山鶴侶嘉靖中布衣有藝草又按錢牧齋

云豐山姓氏里中無復有知之者詩集久已失傳予近  
得明林懋揚手錄豐山詩一帙古體氣韻沈雄近詩詞  
采清麗魏晉唐宋相爲融  
化不徒以集句擅長已也

林熾字貞恒世璧從祖父也初林瀚生九子次庭栢爲  
大司空最少者庭機爲大宗伯宗伯之長子卽熾舉嘉  
靖丁未進士復爲大宗伯以廉介剛毅重於朝世所謂  
社稷臣久之與宰相張居正論議不合遂乞歸養居於  
湫隘而著書所著有福州府志書成而卒詔謚文恪家  
人編其詩文曰林宗伯文集蓋臺閣之體非雕章縟采  
者也

林懋和字惟介閩縣人六歲喪父家赤貧好讀書不肯  
事事伯父炳爲會稽令數止懋和毋讀書事事懋和愈  
益讀書不輟炳諸子厭之不以兄弟數每聞懋和至輒  
藏其圖籍亡令窺人子窺也懋和嘗數從諸生會文而  
寄食飲諸生厭之乃陰移其期絕去之懋和是時羸身  
與母居甚困去抵其姑姑嫁爲懷安孝廉茆齋先生陳  
空妻姑家使懋和監穫懋和帶經往伊吾田中穫竟人  
盡去懋和不知也姑家又厭之獨茅齋先生知懋和賢  
厚奉給之懋和諸大母謂茅齋先生曰吾孫貧不治生

奈何予金先生曰懋和非庸人也卽數奇至坳身亦不  
失爲揚雄劉向吾終不望報矣懋和以治春秋舉嘉靖  
辛丑進士選爲庶吉士年四十爲廣東左方伯歸細帙  
益富乃閉戶編觀之盡通十三經百家之言與客譚皆  
墳素秘文而不及他年八十餘卒所著有櫟寄集及雙  
臺詩選

郭文涓字稚源

蔚按萬厯府志字道衡

古田人嘉靖中以貢入太

學舉應天鄉試授保甯府司馬文涓性恬淡高曠不習  
爲吏顧雅好詩歌欲以風雅變其俗當道厭之文涓卽



解印綬歸閒入郡城與林世璧王鈇爲文酒交世璧貴公子才高視世之褊陋卽鼎貴有勢者必凌之耻與爲伍然獨與文涓善一日文涓語犯世璧母諱世璧大怒持刃逐之不得而誓曰必殺文涓久之王鈇匿文涓帳中而召世璧飲從容問閩誰可與爲詩者世璧大哭雪涕曰獨有郭稚源耳顧吾欲殺之因語之故鈇因起爲謝文涓以失口得過不足誅世璧以爲然於是文涓乃肉袒負荆膝行而前世璧持之哭復爲交如初嘉靖己未倭夷攻陷福安且至古田有黃生者本福清文士有

才氣以事之古田古田人疑爲賊偵縛生將殺之生知  
文涓詩人用俠聞遽寄詩請救文涓卽走縣庭以百口  
保黃生無他縱之去諸少年愈益忿謂文涓縱賊並縛  
文涓久乃得釋文涓旣脫黃生之厄以此名聞當世文  
涓有享帚集其詩多慷慨激揚類其爲人

王慎中字道思晉江人弱冠登嘉靖丙戌進士歷河南

叅政慎中爲文奇氣逸發變態百出詩亦多有佳致海

內稱之有遵巖文集

蔚按名山藏文苑記王慎中字道

思初號南江後改遵巖名盛而兩

號並稱海內盡知爲王仲子也仲子年十七八以嘉靖

乙酉丙戌連舉科第選戶部主事官暇讀書作爲古文

詞與毗陵唐順之陳東輩號八才子改官禮曹更與大  
司馬李遂給諫曾鈞提學江以達學士華察屠峻切磋  
琢磨益成其學世廟修古禮文行親郊禮仲子製大祀  
詩八章漢詞選體文聲騰布諸公閒辛卯命京朝官出  
主鄉試仲子得廣東李孚敬忌諸翰林出之別選部屬  
改充眾望無如仲子孚敬欲仲子一見仲子不往遂罷  
改吏部員外陞驗封郎而列有短於孚敬者因覆張  
真人衍慶請封疏坐謫判常州陞戶部主事再陞禮部  
員外而皆在南則從王幾講王守仁之學而遂有得於  
聖賢之道乃盡發宋儒書讀之有味乎曾南豐王荆公  
歐陽文忠之爲文也始仲子起家子大夫操觚學古非  
先秦兩漢不道其所爲廣東辛卯錄文宛然賈誼鼉錯  
之詞章至是則盡棄之色相蹊隱出人王曾開寄示順  
之順之駭怪仲子言此大難事君後當自知亡何順之  
有味其言亦變而隨之矣陞山東提學僉事轉江西參  
議則王守仁政教所及之地仲子尋陳跡講新知往來  
白鹿鵝湖開更與聶司馬豹鄒司成守益羅殿撰洪先  
歐陽大宗伯德講學交游公事不廢遷河南參政督率

有司以安民爲務章聖皇太后梓宮過河南僚屬畏供  
帳不辦下吏有欲亡去者仲子獨任之調度有方奉迎  
無失歲饑王侍郎奉旨出賑仲子將事侍郎大善之  
方薦於朝尋以大計罷仲子之罷蓋中旨也仲子爲禮  
曹郎時夏言爲尙書其時仲子不能善事之至是以屬  
銓部考黜銓部從中調書考不及而言取中旨罷仲子  
之爲文也以意定爲主有歷旬經月求不得一意意得  
卽下筆隨之詳瞻豐緝委復曲折按之分部呼之應聲  
援古以譽今推小而至大順之稱爲二百年中興之文  
迨其後也濟南李攀龍弇州王之世貞諸子者出見謂毗  
陵晉江學宋而傷之理而仲子之行海內卒不掩阻  
濟南蚤世弇州晚歲亦不能出仲子之徑而沈深切至  
反爲讓之矣仲子攝生至經歲不酒肉但覺不快謝客  
閣書室兌却聽啜水納吐以洗中垢曰吾以付腸胃  
自翻出一部本草亡慮疾矣竟年五十一卒仲子十八  
而登第三十三而罷官五十一而沒所著遵嚴集行於

林鳳儀字九成永福人也生有軼材而不斤斤繩墨爲諸生卽稱詩閩中列於作者之林鳳儀舉嘉靖壬子鄉薦拜爲瀧水令其治務在行其意而已不自檢於文繁卒爲文法吏所中罷歸田里橐中無旦日之儲然其爲人骯髒自喜與人交有勢家雖片語過誤必以氣凌之出其上卽無勢者雖白徒里旅視之若兄弟以故空曠終身終不少沮晚乃好神仙黃白之術肘閒常繫秘方一卷大言曰吾丹成當使黃金塞海以度世人然後上升耳安能與黃口兒爭日月之光於鼠穴哉鳳儀有詩

集二十卷藏於家

謝杰字漢甫長樂人萬曆二年進士任戶部尙書長樂之俗以進取爲務不肯釋制舉藝以事聲律獨杰好之而得其微蓋自王典籍高待詔而後爲能繼其響云所著有白雲編

林兆恩者莆田人也少爲郡諸生旣而棄去之其學本之於孔子務於君臣父子夫婦兄弟朋友之倫而由老子道德之意以修道要其歸必止於釋氏之無法無爲以還太虛之體以爲儒者世閒法也教以民可使由之

道也道與釋出世閒法也教以不可使知之道也兆恩稱曰三教先生著書凡數十萬言大都若此矣弟子徧於四方各以其所居轉相授業而不敢自名其家皆設几案望拜三教先生而後教授稱同門焉其著籍爲三教弟子者幾萬人然什九以療病依於道家運氣之術病者頗愈妄庸之士或欲神其師謾以三教先生能視物若鬼神是以士大夫諸公初或姍笑之至造請雖當世宿學不能吐一辭孰何之也於是三教先生重於海內自王公大人莫不偃僂執弟子之禮身親往師之

按蔚

名山藏本土記林兆恩字懋勛究心儒學兼通道釋嘉靖之季莆城陷賊相戒毋犯陳孝廉茂烈及三教先生也又按三教先生所學駁雜似未可濶入文苑明代吾閩著作家集中闕者甚多記之以俟博雅者續增焉

袁表字景從閩縣人八歲能徑尺書以書名九歲能詩復以詩名表之詩步趨大厯天寶閒而得其神嘉靖戊午舉於鄉久之謁選天曹試詩第一特授中書舍人轉戶部尙書郎出守黎平病免始表少時有逸韻醉後擊節高歌旁若無人晚乃醇謹無與比其爲郎居輦轂下恒杜門讀書無所親附士貴自立耳何與采名以故天下未有稱也所著有尙白篇逋客集

蔚拔逋客集八卷



陳椿字汝大閩縣人父日子文爲湖廣憲副

蔚按子文字在中嘉

精八年進士

椿少爲博士弟子治博士家言及父卒椿

擇葬地乃治形家者言精於青鳥之術居有頃母得滯病椿復治黃帝扁鵲之言爲母診病病良已椿忽自悟曰醫之所及歲不能至百不足治治服形度世之言於是椿所治凡數百萬言無所不見乃發而爲詩遂臻其妙年六十六卒所著有景于集八卷養生悟言三十卷竹軒雜錄十卷椿之卒巍然柴坐左右手翼如或曰此形解也然不可知

蔚按陳椿萬曆中庠生所著景于樓集八卷爲徐焞所選先生亦手自參

校陳元凱曹  
能始爲之序

徐惟和者閩縣人名燻晚以其名犯吳王諱欲自言春  
官以字行別字調侯未果也而調侯之聲已著燻弱冠  
補學官弟子而豪於歌詩雅不睹經生業及試皆異等  
諸爲經生業者咸不敢仰視而心下之萬歷十六年以  
鄉薦上春官三試皆不遇卽不遇而春官所徵士及京  
師縉紳先生皆走燻讀其所爲詩歌皆嘆息自以爲能  
不及也長洲張獻翼稱之曰閩中一時諸子追述大雅  
取裁風人真足馳騁海內而惟和則獨步當時矣甬東

屠本峻亦曰惟和詩力贍肌豐情注神傳俯仰古今錯綜名理燭有至性事親而孺子慕者終其身每伏臘及讀書有感淚未嘗不簌簌下幾不自勝處二弟通其有無族人之婚者喪者無不仰給於燭燭好客自喜所居戶外履常滿客以急歸者亡問知與不知皆絕甘振之用是家困如罄終不以澀劑卽假貸所得隨手輒盡如故先是三教先生謂人曰燭有大智慧終當悟入燭由此讀二氏書服道士衣冠日從緇黃者游惟恐其不我欲也著詩十卷文十卷稱曰幔亭集

蔚按徐燭選晉萬安風雅十二卷

厯已亥燼病侵有程倉曹者禱於城隍願以餘年代燼  
晝夜禱叩頭頭盡流血及燼卒閩士大夫四民過客亡  
問知與不知皆爲垂涕自遠方來弔者趾相錯故嘗與  
燼爲詩者相與祀燼與陳椿於高賢祠

論曰明之初興士以古文辭稱者皆得起家自効以  
故學者多遵其業熙宣之後獨以制藝而尙排比軟  
語則古道廢矣及鄭善夫起而倡之傳高二子以布  
衣爲公卿上客名傳於後世於是士乃喟然嘆復修  
千秋之事余擇其尤雅馴者論之嚴於論宋元者矣

柯維騏林兆恩以著書著書者寡不復類

陳登字思孝長樂人博涉經史尤精於六書自周秦以來石刻卽殘缺剝落歲月名氏無復考者皆能辨之太祖皇帝時登以才學舉爲浮梁丞永樂初以篆籀拜中書舍人登之初入直也翰林待詔滕用亨者亦工篆籀有重名以登後進當眾折辱登目笑之登不校也居有頃九卿大臣盡會用亨復難登許氏說文登徐應之連拄用亨用亨大媿不敢出一語諸公聞之莫不賢登以用亨爲小人也

蔚按通志陳登著有石田吟稿

陳廉字平叔福清人少嗜古法書篆籀草隸無不究心而草隸尤爲當時所重廉性簡亢不諧於俗貴游豪傑踵門求書弗屑與之遇故人家楮墨當意卽解衣揮灑累數十紙不惜得之者以爲奇寶林鴻高廷禮諸名士皆與游賦詩贈之稱其爲人其後正德閒林焯潘積中嘉靖閒王建中皆閩縣人以善書著此數子者非獨於藝工也蓋亦有蘅蕙之辭焉以故得並論不然者卽有鸞回鷹跖之筆吾不取

章志宗者松溪人居於邑之文昌觀志宗習五雷法而

篤好詞翰弘治開年八十餘有詩曰自吟還自和伴醉  
卧蒼苔爐中丹未熟日月漫相催志宗所著逍遙集二

卷皆此類

蔚按閩中道釋能文詞者奚止志宗  
志宗習五雷法似不宜攔入文苑

釋獨芳者本閩縣儒家子當洪武時天下初定文網頗  
峻儒者多不樂仕郡縣或刼召之於是獨芳乃與同邑  
惠顛法闡輩俱入鼓山寺爲僧然不以其故廢學業嘗  
與王安中王孟敷諸子倡和爲詩各著集藏于其弟子  
是時又有正淳亦能詩居止無定其後永樂中有至剛  
成化中有古鑑皆湧泉寺僧以詩名

論曰章志宗好方徐登趙炳之流自獨芳至正瀆四  
人令得行其志固亦雲蒸龍變未必與闍黎列當此  
之時儒而埋於沙門者甚眾皆剗跡吞響而名不聞  
嗟乎惜哉古鑑家於釋所由與國初者異

蔚按僧圓珙卽大圭自號無瑕氏晉江人明詩綜載  
其詩有不讀東魯論不知西來意之句青卽弟嘗得  
竹樵詩草及鷲門旅吟皆大圭手錄與乾隆閒刊本  
大畧相同是知汝翔所收方外亦多遺佚



東越文苑卷之六終

東越文苑明侯官陳汝翔著傳本甚妙故前刻之通志郡志均未載入汝翔多讀宋元祕本其所輯譔殆多親見各家專集而抉擇編訂之人數多惜卷帙近簡宋儒均列第三卷蓋並儒林而統之也趙仁甫爲序而傳之先生自云後死不與故明季名公若徐興公謝在杭曹能始陳薦夫輩俱未之及獨幔亭早喪得與焉道光閒先君檢校諸書其有異同者列之有舛誤者正之見於史傳則不再述欲付剞劂而未果今先君見背已三十餘年元昌宦吳中適奉公

同治癸酉六月邑後學郭元昌汝兩氏書

同治癸酉六月邑後學郭元昌汝兩氏書